

www.BibleForChildren.org


St. Matiu 26



'E ono dangi
namau maraigui
ha'ato'oai rongo
'anai 'adoma'i
aho'isiai Roho Aharau.

'Ia Jisas 'a aho'i 'ari na'i
Betani, i 'omaa na 'ia Lasarus
na awaiei, 'ia mo'o na 'ia
Jisas 'a ha'a-suruta'ea
aho'i baaniai mae. Mia
Meri 'a siri mai beiai gere bei na
honu 'ini rumu na hori bwara di'u.

'A ringisia na'i uwana'i a Jisas 'anai
ha'ahoua, magu ha'amaha'i 'inia i warihuna. Mana
si'inihanai rumusi 'a adaahusia hako i rumasi.




Mia Jiudas Iskariot, 'e ta'i 'iniraau rongoiusuri
ana'ia Jisas, 'a 'ari beiraau Na'ohadaa'i Piriisi ma
'unua do 'iia 'ai 'a'auhiraau 'anai sadoia ta here narai
matai daua 'inia Jisas. Na'i 'oha
narau rongoa do' ai 'a'auhiraau,
rau wa'ewa'e di'u. Marau
duruduru tanaa dorai taharia.
Ma na'i 'ohasi, 'ia Jiudas 'a
taraawa'a sibasiba
madora goro'anai
usuha'inia Jisas
tanaraau.



Na'i 'ohasi 'iraau rongoiusuri
rau haa 'onaai 'unua ana Jisas
tanaraau marau ha'aagauai
ngaugoni 'anai 'adoma'i aho'isiai
Roho Aharau na'i rumasi. Na'i
'oha rau ngau, 'ia Jisas 'a dauai
huai breidi. 'A ha'ate ha'agorohia
God 'inia ma uubia. 'A
haua tanaraau
rongoiusuri ma
o'ani, "Naani
abegu. Moi daua
mamoi ngaua."



Ma dauai panikeni waen.
'A ha'atee ha'agorohia
God 'inia ma haua tanaraau
ma o'ani, "'I'amou hako moi
gonohia. Naani 'abugu 'anai
ha'a-'o'oriai duruduru haoru ana
God. 'Ai ahe 'iniraau mwani noni
rago neina 'ia God 'ai
'adoma'i nugasi'i
'inodaa'i."



Mia Jisas 'a o'ani 'inia Saemon Pita, "Saemon,
Saemon, 'oisui rongo! 'Ia Saetan 'a ha'angonia God
'anai ohongi'amou 'anai 'iraraa tei 'ini'amou na
wetewete i hinihinina. Ma'ata Saemon, 'au bwane
ha'arahesi doni hinihinimu 'a bwa'i ai'aa ha'atai.
Ma na'i 'oha na'oi rihota'i aho'i mai tanaau,
'oi ha'a'o'oriraui
do'oramu'i 'ini
Marai wetewete
ro'u suri'i
hinihinidaa'i."



Mia Pita 'a ha'atee o'ani, "Araha, 'inau 'au ha'aagau
'anai 'ari bei'o na'i rumaniho'o, ma 'anai mae bei'o."
Mia Jisas 'a o'ani 'inia, "Wai 'unua tana'o Pita, na
kua 'a bwa'i tataraoke mau na'i wa'aria, mi'oe 'oi
bwane tohe ha'a-oru do'o ai'a 'iraraau."




Mia Jisas 'a wairaau
rongoiusuri 'ari na'i
dora ra 'unua 'inia
Getsemanii. Ma o'ani
'iniraa, "Moi heinagu
mamasi 'ini. 'Inau wai
'ari 'ani 'anai ha'arahesi."
Ma gere sara wou
baaniraa ma topira'i
ruru aurui ano ma
ha'arahesi, "Ama,
'onaa 'ai mwada'u, ma'ai
abui to'o o'asi tanaau!"



"Mama, bei'o ai'a maho
nai bwara tana'o, 'oi
abui wateau 'anai siri
na'i rongomaata'ini.
Ma'ata 'ai abui suriai
hei'irisigu, me 'ai
suriai hei'irisimu."



Hoita, na'i 'ohasi 'ia Jiudas 'a wairaau mai ruruhai
hehei'oi ni Rom beiraau ro'u tara'i sae hehei'oi narau
'omesuriai Ruma Maea na 'iraau Na'ohadaa'i
Piriisi mana Farisei rau ha'ataari'i. Rau
waa'i mareho hehei'oi adaa'i, mana
mareho ni ha'amarewa, marau
ataha wou na'i dorasi. Ma'e
ta'i 'iniraau na rahiai naihi
ana ma taba taahiai karinga
odonai sae tatau'aro anai
Na'ohadaaui Piriisi. Mia Jisas
'a ha'atee o'ani, "Abu'a!"
Ma dau wou na'i karinganai
inoni tatau'arosi ma
ha'agorohia aho'i.



Miraau na hehei'oi rau daua Jisas mara waia 'ari na'i ruma anai Na'ohadaui Piriisi. Mia Pita 'a susuriraau ha'atau moi. Na'i 'oha narau taha wou, 'e 'eu ni waari'u nara togaa na'i 'ubutanai dora a'ora hura'a i abau 'omaa anai rumasi. Miraau heinagu totoa 'anai waari'u, mia Pita ro'u beiraau.



Ma'e ta'i 'ini'i
noni tatau'aro
anai Na'ohadaaui
Piriisi, 'e sae na
heito'oranga'i beia
mo'o na 'ia Pita na taba
taahiai karingana ani, 'a
o'ani, "'Inau 'au 'omesi'o
ro'u beia mo'osi na'i 'oha
nara daua 'ari moui hasi'ei
ani.'" Mia Pita 'a tohe ro'u
mau. Raugu rongo mana kua 'a
tataraoke'a. Maagu hura'a
na'i maanai bara anai
rumasi ma ru'uhiai angi.




Miraau hako ruruha rau suruta'e
ara'a marau waia Jisas 'ari tanaai
Primia, 'ia Paelat, do'ai hiiria. Mia
Paelat 'agu songa'inia Jisas
o'ani, "'A 'ua? I'oe naasi
Mwaeraha adaui Jiu?"
Mia Jisas 'a aramia
o'ani, "Naia na'o 'unuasi."
Ia Paelat 'a 'unua ro'u
tanaraau do'ai ha'ahura'ahia

Jisas. Miraau hako rau totoro
aho'i tanaa Paelat o'ani, "Rabu
ahita'inia na'i dadaahoro! Rabu
ahita'inia na'i dadaahoro!"




Mia Paelat 'agu watea Jisas tanaraaui
hehei'oi 'anai rabua na'i dadaahoro.
Miraau waia Jisas marau hano beira'i
beia. Na'i 'ohasi 'ia Jisas 'a suru'ia
haariai dadaahoro ana, marau ta'eha
ara'a na'i gere hungahunga nara 'unua
'iniai dora ni Korai Bwau Sae. (Na'i
ha'ateeni Jiu, ra 'unua 'iniai Golgota.)



Na'i 'isi naraugu rabu ahita' iniaiei
na'i dadaahoro. Ma'e wairarua nara
raburarua ro'u na'i dadaahoro
adaru'i. Raru 'ado bobo
' inia Jisas.



'Inia na sina 'a ai'a rara. Mana
kae bwana ubu-ubu'a nara rohe
bwarasia 'iniai dora maea na'i
Ruma Maea ana God, 'a maakari
heihoa. Mia Jisas 'a totoro
'ini ringe raha o'ani, "Ama,
na'i rimamu 'au nugaai
tahingagu!" 'A ha'atee
o'asi hako magu mae.



Naasi ma'e sae na atana 'ia
Josep ni 'Arimatea, 'a taha
beia Paelat. 'Iiasi 'e ta'i
sae na'i Kansol na rau
hiiriasi a Jisas. Me
'iia 'e sae nara
ha'ahoua.

'Iia 'a to'oraai
'adoma'i heitotori
'iniai madoraa na 'ia
God 'ai marungiraui
inoni ana'i.



Ma rei'uaa na maaa'u, me 'iia 'a
taha beia Paelat ma o'ani 'inia,
"Mwaeraha, 'inau 'au raba
rahia dioi abena Jisas
baaniai dadaahoro. 'A
'ua? 'A goro moi?"

Mia Josep 'a horiai
bwana mamaahui,
ma rahia dioi
abena
Jisas.

Naasi 'a ho'ua 'inai
bwana, magu aoraa
na'i wabwa ra 'eria
na'i abenai kae hau.
Naasi mara hugesia
ro'u wou i kae hau
bwarasiai maanai
wabwasi.



Dangi ahora naasi dangi ni mamaro
adaaui Jiu. 'Iraau Na'ohadaa'i
Piriisi miraau Ha'ausuri
'anai Ringe ana'ia Moses
rau 'ari beia Paelat
marau o'ani,
"Saemaua, meu
'adoma'i aho'
isiai mareho na



'unua i sae
pwapwaari'isi."



"Na'i 'oha na tahi mau 'a 'unua do 'e
rua dangi nai hako mana'i oruna
'ai tahi aho'i. Marau 'ari
narau pono ha'ababauai
maanai wabwa marau
nuga'i sae hehei'oi
'anai 'omesuria.
Marau nugaai
maho na'iei 'anai
'iraraa

do 'onaa
ta sae nai
raba tahangia."



Murinai dangi ni mamaro, na'i
wa'aria i dangi sade, 'ia Meri
ni Magdala mia nata Meri,
raru 'ari 'anai 'omesiai
wabwa. Rarugu 'asu'a
ma to'o'a i kae
nunu raha, 'inia 'e
enjel ana Araha
God 'a dio mai

baaniai aro ma
hugesiai hau
baaniai maanai
wabwa ma
heinagu na'i
hungana.



'Iraau sae hehei' oi narau
'omesuri na' i wabwa rau
mamaa' u marau
'idi' idi marau dionga' i
narau dadao 'onaai
sae na mae.



Mana enjel 'a o'ani 'inirarua rua
urao, "Murui abu mamaa'u. 'Au
'iraraa muru boi siba 'inia
Jisas nara rabua na'i
dadaahoro. 'Iia 'a ai'a
awa 'ini, 'a bwani
suruta'e aho'i
'onaai 'unua ana
mau na'i na'o.




Murui boi mamurui
re'iai dora na
dadao ga'u iei."



Mararu 'eba aho'i raurau ha'i mamaa'u.
Ma'ata raru wa'ewa'e di'u ro'u. Raru
'eba 'ari 'anai maaniai tarohasi
tanaraaui rongoiusuri. Rarugu
'asu'a mararu heito'oi beia
Jisas mia o'ani 'inirarua,
"Maia." Raru 'ari wou mararu
topira'i ruru auru mararu
dau

na'i uwana
mararu ha'arahesia.






Ma ha'ata'i ha'ahako tanaraaui ta'i tangahuru
mana waira ta'i rongoiusuri ana na'i 'oha rau ngau
goni. Ma ha'atee wetewete tanaraau 'inia ra baabaui
tahingadaa'i. 'Inia rau ai'a hinihini'i mamaani
adaa'i sae na ra re'ia Jisas do 'a tahi aho'i.

'Oha 'ia Jisas 'a maani'i hako tanaraaui
rongoiusuri mareho 'isi, mia God 'a waia'a ara'ai
aro ma heinagu na'i aba odona God.



Suria 'ia God 'a ta'ahiraau hakoi
noni nai marewana, 'a hisu 'iniai ta'i
garena otohoo, neina 'iraui nei
narai hinihinia rau bwa'i siri na'i
mae tarau, ma'ata rai daua
nadaui tahi tarau.



Rom 3:23

'Iraau hakoi mwane inoni ra ora-ora'a mana barongadaa'i ra ai'a gere gaarangi tari beiai barongana God na hauasa.

Rom 6:23

Iraau hakoi mwane inoni ra ora-ora'a mana barongadaa'i ra ai'a gere gaarangi tari beiai barongana God na hauasa.

Hibru 9:27

'Adonai inoni 'ai mae ha'atai moi, mana'i murinai mae 'e hihiiri.

Efesas 2:8,9

God 'a ruhasi'amou, ai'a do 'ini'i tatau'aro goro amoo'i, mei 'ini hinihinimoou beia mana goro ana na banea tana'amou. Naasi 'a bwa'i nei 'ai ha'ata'ea haaria 'inia.



Rom 10:9,10

'Onaa na 'oi ha'arangasia 'iniai ngoomu do'ia Jisas na Araha ma'oi hinihini do'ia God 'a ha'a-suruta'ea Jisas baaniai mae, 'oi daua namuai tahi tarau. Naasi, naia moi na hinihini na 'oi matai odo-odo 'inia na'i maana God, ma naia na ha'arangasia amua hura'ai taha na'o hinihinia na 'ia God naigui ruhasi'o 'inia.

St. Jon 3:16,17

Suria 'ia God 'a ta'ahiraau hakoi noni nai marewana, 'a hisu 'iniai ta'i garena otohoo, neina 'iraau nei narai hinihinia rau bwa'i siri na'i mae tarau, ma'ata rai daua nadaau tahi tarau. 'Ia God 'a ai'a ha'ataaria mai garena 'anai hiiri ha'a-mama'airaau inoni nai marewana, ma'ata 'anai ha'atahiraau baaniai ha'a-mama'ai.



1 Jon 5:11-13

Ma'e taha na 'ia God na 'unua? 'A 'unua do 'a bwane hua tanagaau i tahi tarau. Mana Garena, naasi tara 'anai dau i tahi tarau. Ma naasi, 'iatei na hagu beiai Garena, 'a to'oraa ro'u i tahi tarau. Me 'iatei na ai'a hagu beiai Garena, 'a ai'a dau mau i tahi tarau.' Au usu'i hako i mwani mareho na'i usu-usuni tana'amoui nei na mou hinihiniai garena God, neina moi 'iraraa ha'agorohia do mou to'oraa'a i tahi tarau.



St. Matiu 26-28; St. Luk 22-24; St. Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Arosi Bible (aia) © 2005, Wycliffe Bible Translators,
Inc. All rights reserved.

<https://live.bible.is/bible/AIAWBT/MAT/1>

©2026 Bible for Children, Inc.

www.M1914.org

www.bibleforchildren.org

